



JABATAN PERKHIDMATAN VETERINAR

LAPORAN LIPUTAN MEDIA

Rabu, 31 Mei 2023

Dulu lima, kini bela 50 ekor lembu

MEDIA	RUANGAN	MUKA SURAT
Kosmo	Negara	18

Dulu lima, kini bela lebih 50 ekor lembu

GUA MUSANG – Bermula dengan lima ekor, kini dua beradik berjaya menternak 50 ekor lembu pelbagai baka di Kampung Lapan Jaya di sini selepas 10 tahun berkecimpung dalam bidang ternakan haiwan itu.

Raja Mohammad Lukman Raja Ibrahim, 31, berkata, dia dan abangnya, Raja Mohammad Razali, 33, mula serius dalam bidang penternakan lembu apabila tidak mendapat pekerjaan tetap selepas tamat Sijil Pelajaran Malaysia (SPM).

"Pada awalnya, kami ada lima ekor lembu yang dipelihara secara suka-suka. Kini, hasil jualan lembu-lembu menjadi sumber pendapatan kami.

"Kami bermula secara serius dalam bidang ini selepas mengambil alih daripada kedua-dua ibu bapa yang semakin uzur," katanya semalam.

Raja Mohammad Lukman memberitahu, berkat kegigihan dan ketekunan dalam bidang ternakan, mereka kini memiliki lebih 50 ekor lembu yang terdiri daripada baka spesies kampung, brahman, limousine dan charolaise.

"Bagi sambutan Hari Raya Aidiladha yang akan datang, enam ekor lembu sudah ditempah pelanggan.

"Satu bahagian lembu kor-

ban dijual pada harga antara RM500 hingga RM650, manakala bagi seekor lembu pula bergantung kepada jenis lembu pilihan pelanggan.

"Kami tinggal di kawasan kampung, jadi harga ditawarkan tidak terlalu tinggi supaya dapat membuka peluang kepada penduduk melakukan ibadat korban," katanya.

Katanya, mereka juga bersyukur apabila lembu ternakan turut dijadikan pilihan pelanggan untuk ibadah korban setiap tahun.

Sementara itu, Raja Mohammad Razali memberitahu, mereka tidak menyangka minat memelihara lembu akhirnya menjadi sumber pendapatan mereka adik-beradik yang masih bujang.

Katanya, selain menjual anak lembu antara harga RM2,000 hingga RM5,000 mengikut jenis, mereka turut menjual daging lembu pada harga RM32 sekilogram.

"Penjagaan lembu tidak sukar kerana ia dilepaskan dan dibiarkan sahaja meragut di kawasan ladang.

"Ketika ini, kami perlu memberi perhatian lebih rapi bagi mengelakkan lembu-lembu terkesan dengan keadaan cuaca panas," katanya.



RAJA MOHAMMAD LUKMAN memberi air garam kepada lembu ternakan di Kampung Lapan Jaya, Gua Musang semalam.

-Belajar ilmu penternakan sejak sekolah rendah, kini tauke lembu - Berniaga lembu tambah pendapatan sempena Aidiladha

MEDIA	RUANGAN	MUKA SURAT
Utusan Malaysia	Dalam Negeri	34

Belajar ilmu penternakan sejak sekolah rendah, kini tauke lembu

Oleh AIMUNI TUAN LAH
utusannews@mediamula.com.my

GUA MUSANG: Di mana ada kemahuan di situ ada jalan.

Begitu perjalanan hidup Raja Mohammad Lukman Raja Ibrahim, 31, dan abangnya, Raja Mohammad Razali, 33, yang kini memiliki lebih 50 ekor lembu daripada pelbagai baka seperti kampung, Brahman, Limousine dan Charolaise.

Semuanya bermula dengan hanya lima ekor lembu.

Raja Mohammad Lukman berkata, pembabitan dalam bidang penternakan lembu bermula selepas dia dan abang tidak mempunyai pekerjaan tetap sejour selepas tamat Sijil Pelajaran Malaysia (SPM).

Menurutnya, mereka memperoleh modal permulaan daripada bapa sebagai sokongan menjayakan usaha tersebut.

"Saya dan abang mendapat pendedahan awal berkait bidang penternakan lembu daripada kedua ibu bapa sejak sekolah rendah. Awalnya hanya memiliki



RAJA Mohammad Lukman Raja Ibrahim (kiri) bersama abangnya, Raja Mohammad Razali memberi air garam kepada lembu ternakan mereka di Kampung Lapan Jaya, Gua Musang, Kelantan. - UTUSAN/AIMUNI TUAN LAH

lima ekor lembu yang dipelihara secara suka-suka dan kini menjadi sumber pendapatan.

"Kami bermula secara serius

dalam bidang ini sejak 10 tahun lalu selepas mengambil alih daripada kedua ibu bapa yang semakin uzur," katanya ketika

ditemui di Kampung Lapan Jaya di sini.

Raja Mohammad Lukman memberitahu, dia dan abang-

nya bersyukur apabila lembu yang dipelihara menjadi pilihan penduduk untuk ibadah korban sempena Aidiladha ini.

Katanya, sehingga kini sebanyak enam ekor lembu sudah ditempah untuk sambutan itu.

Bagi Raja Mohammad Razali pula, dia tidak menyangka minat memelihara lembu akhirnya menjadi sumber pendapatan mereka adik-beradik.

Katanya, selain menjual anak lembu antara RM2,000 hingga RM5,000 mengikut baka, mereka turut menjual daging lembu dengan harga RM32 sekilogram.

"Kami juga mendapat kerjasama Jabatan Perkhidmatan Veterinar Gua Musang dari segi bantuan pawah di mana mereka menyediakan induk selain pembiakan lembu.

"Penjagaan lembu tidak sukar kerana hanya membiarkan lembu meragut rumput di kawasan ladang. Pada ketika ini kami perlu memberi perhatian lebih rapi bagi mengelakkan lembu-lembu terkesan dengan keadaan cuaca panas," jelasnya.

Berniaga lembu tambah pendapatan sempena Aidiladha

HULU TERENGGANU: Ketibaan Aidiladha ibarat 'bonus tahunan' bagi pengusaha tanaman rumput napier yang menjana pendapatan tambahan selain menjual lembu untuk korban.

Mohd. Ridzuan Mamat, 41, berkata, dia membawa masuk 100 ekor lembu baka KK Cross serta Brahman dari Thailand sejak Februari lalu yang ditenak secara fidlot sebelum dijual.

Menurutnya, sebanyak 60 ekor lembu yang ditenak di kawasan padang ragut Kampung Binjai Kertas di sini telah mendapat tempahan sejak lebih seminggu lalu daripada pembeli dari Hulu Terengganu, Kuala Terengganu serta Dungun.

Katanya, ternakan itu dijual dari harga RM4,500 hingga RM5,600 seekor dengan anggaran seberat 250 kilogram (kg) sehingga 350kg bagi setiap seekor.

"Permintaan lembu korban di dijangka meningkat menjelang Aidiladha," katanya ketika ditemui di Kampung Binjai Kertas



MOHD. Ridzuan Mamat menunjukkan sebahagian lembu yang akan dijual sempena Aidiladha di Kampung Binjai Kertas, Hulu Terengganu. - UTUSAN/NOOR HAYATI MAMAT

semalam.

Jelasnya, ketika ini dia menceburi bidang tanaman rumput napier jenis 'Pak Chong' sejak lebih tiga tahun lalu untuk diproses menjadi

makanan ternakan.

Tambahnya, dia sebelum ini juga telah mengusahakan ternakan lembu tetapi terpaksa berhenti kerana masalah makanan ternakan yang semakin mahal.

-Terima kasih-

DISEDIAKAN OLEH :

**UNIT KOMUNIKASI KORPORAT (UKK)
JABATAN PERKHIDMATAN VETERINAR**